

Nisanga tu rarami a tamedaw

Mihalhal aca kami tu nipitipus nu niyaru', sapamelaw nu niyaru' tu tayniay a mihulul a labang, herak sa namitipus, pateli han nu heni ku rarami i tepar nu lalan, tu sapisanga tu ningkiw atu aadupan, sulinay aluman ku tayniay a mihulul nu kakakaka, mangalay a mitaneng tu nipipungec tu rarami a misatamedaw atu cengceng. Dudu sa kami tu pasubana'ay a baki a tayra i lakulakuan, angangan nu palalanay a baki tayra i lakulakuan a mipungec tu rarami pamelaw tu nisatamedaw nu heni tu rarami, liyaw satu amitu ku mipungecay tu ka'ulahan nu tireng a aadupan, i tepar ku baki amin a pasubana' i tamiyan a maanen a mipungec a misanga.

Pasuwal hanaku ku cabacabay anu samihemiheca sa kita a minanam a mipungec tu rarami, a kikapahan naca ku nisanga nira kakakaka amin, sulinay madademec kami atu kakakaka, caay kamasamasa a melawan, sanga satu caay kaw dadayumen, u liyaliyaw ku nu niyam a nisangaan, caay kaw dadayumen, na i laku a misanga kami, biwhan nu bali, maluluhtu nu bali kira nisanga a rarami niyam, ira nu kakakaka satu mahaen tu, tanu tawa sakami a miliyaw aca a misanga. Mangalay kami a kapah ku niluec tiya rarami, luwan han kira rarami a mipungec, araw mitudungtu ku

kakakaka i tamiyanan a mikelul tu niluec tu rarami. Sisa herek satu nami pungec tu rarami, I matini mahe:rektu ca baki a misanga tu luma' nu buting tu sapamelaw i tamiyan, ira kalawkaw nu wayway atu kalamkam nu nidemak nira babakian , sulinay kahemekan saan, tuna mahaen ira:ay kam a mipungec tira raramian, hakuwa ku kapah nu mata hakira niya babakiyan , makamelawtu i tamiyan, ira nikabukil niyam amin a maruyaruy a mipungec tiya rarami atu nikadungah a miluec a misatamdaw, a misaaadupen atu ira nisahulahulak hananay a nipungec sasa awaaysa ku laheci, pasun tanu kaditsa nu muhetingay a bunak ku pisipisingan, mamelamelaw nira babakiyan amin ku wayway nu heni amin , sulinay hakuwaay hakiya ku nihemhem tu sakatawa amin, a misabulibulit i lakulakuan atu taritaring a pihaceng ku ngiha a mapatay nu tawa amin kira babakian atu makamelaway nu nimanima.

稻草人

參加部落割稻季的經驗。部落為了吸引觀光客，利用稻草製作人形和動物，並邀請遊客參與稻草人和魚籠屋的製作。跟著導覽員龍叔叔學習製作稻草人，與朋友們和來訪的大哥哥姊姊們一起比賽。雖然有經驗，但過程中仍遇到許多挑戰，例如稻草綁不緊、作品被風吹倒等。大家互相取笑也互相學習，最終讓指導的叔伯們看了都忍不住大笑。整體氣氛熱鬧有趣，展現部落活動的樂趣與團結。